

aldy stop mobing CGSLV ANTIKORUPCIJSKA MREŽA ORGANIZACIJA CIVILNOG DRUŠTVA ACCOUNT



**OBUKA O
KORUPTIVNIM
RIZICIMA ZA ČLANICE
ANTIKORUPCIJSKE
MREŽE U BIH - ACCOUNT**

Predstavnici Parlamentarne skupštine BiH, Doma naroda Parlamenta Federacije BiH, Agencije za prevenciju korupcije i koordinaciju borbe protiv korupcije (APIK), kao i predstavnici sektorskih grupa Mreže ACCOUNT i USAID-a, učestvovali su na posljednjoj sesiji obuke koju su organizovali USAID/SGIP I ACCOUNT o načinima i standardima za dostavljanje amandmana na zakone u toku procesa konsultacija. U toku programa, učesnici su razgovarali o zakonodavnim procedurama, javnim raspravama, ali i raspoloživim resursima na web stranicama državnog i federalnog Parlamenta. Kao ilustrativni primjer, učesnici su radili na procjeni potencijalnih koruptivnih rizika u novom prijedlogu Zakona o slobodnom pristupu informacijama. U daljem radu učesnici će imati priliku identificirati koruptivne rizike u nekoliko kandidiranih zakona, između ostalog u Zakonu o zaštiti zviždača u institucijama BiH.

**ACCOUNT
GRANT PROGRAM
IZABRANI LIDERI
MONITORING TIMOVA**

ACCOUNT je kroz drugi ciklus Programa malog granta dodijelio sredstva članicama Mreže za monitoring i izvještavanje o korupciji u odabranim sektorima. Cilj programa je pružanje podrške projektima monitoringa, prikupljanja i obrade podataka o strateškim antikorupcionim dokumentima i njihovoj implementaciji u organima javne uprave, javnim ustanovama, institucijama i preduzećima u BiH, sa akcentom na kantonalni i lokalni nivo.

Kroz selekcioni proces odabrani su lideri monitoring timova u pet oblasti: Srpski omladinski savez Brčko (zdravstvo), Centar za razvoj civilnog društva Dobojska zaštita prijavitelja korupcije, Helsinski parlament građana Banja Luka (obrazovanje), Udruženje građana Justicia Srebrenik (javne nabavke), Omladinski centar Vermont Brčko (zapošljavanje).

ACCOUNT MEDIA POOL

Počeo treći ciklus izvještavanja

Korupcija u zdravstvu i javnim nabavkama, te svjedočenja hrabrih "zviždača" o zloupotrebi i borbi protiv korupcije u fokusu su članica ACCOUNT Media pool-a. U okviru trećeg ciklusa podrške medijskim istraživanjima o korupciji, objavljeno je pet medijskih sadržaja. ACCOUNT Media pool je otkrio kakvu i koliku štetu trpe pacijenti u BiH zbog korupcionih malverzacija u poslovima servisiranja medicinske opreme; gdje je završilo 100 miliona maraka, koliko je izdvojeno iz gradskog budžeta Banja Luke za razvoj banjalučkih sela; podsjeća na borbu nekadašnje Pravobraniteljice RS Danijele Novaković protiv korupcije, te epilog korupcionaške afere o dodjeli građevinskog zemljišta u Banja Luci na koju je ukazivala, a koji za života nije dočekala. Članice ACCOUNT Media pool-a su portali [capital.ba](#), [etrafika.net](#), [6yka.com](#), [mojahercegovina.com](#).

**USAID ODOBRILO DRUGI CIKLUS
DODJELE MALIH GRANTOVA
ČLANICAMA MREŽE ACCOUNT**

U avgustu 2017. godine dodijeljeni su mali grantovi članicama Mreže ACCOUNT za projekte javnog zagovaranja u sektorima: zviždači, zapošljavanje u javnom sektoru, zdravstvo i obrazovanje te za projekte izrade novih i praćenja uspješnosti implementacije postojećih antikorupcijskih akcionalih planova na lokalnom nivou u FBiH i Brčko Distriktu.

„Zviždimo za zakon – zaštitimo zviždače“ - U sektoru **Zviždači**, liderska organizacija *JUSTICIA/Srebrenik* (12.493,06 \$) sa partnerima će raditi na iniciranju izrade i usvajanju nacrtu Zakona o zaštiti prijavitelja korupcije FBiH.


„Prevencija korupcije u obrazovanju: Više znanja, više transparentnosti“ – U sektoru **Obrazovanje**, liderska organizacija *CROA/Sarajevo* (12.496,20 \$) raditi će na kreiranju povoljnog ambijenta za uvođenje obrazovanja iz oblasti etike i antikorupcije u nastavne programe.

„Zagovaranje uvođenja efikasnog modela za borbu protiv korupcije u zdravstvenim ustanovama“ – U sektoru **Zdravstvo**, liderska organizacija *ICVA* (12.500,00 \$) sa partnerima djelovati će na smanjenju korupcije, povećanju transparentnosti i poboljšanju komunikacije između građana i zaposlenih u zdravstvenim ustanovama na kantonalm nivou.

„Jednake šanse – transparentnost u zapošljavanju u javnom sektoru“ – U sektoru **Zapošljavanje**, liderska organizacija *Helsinski odbor za ljudska prava* (12.500,00 \$) će raditi na smanjenju stvarne i percipirane pojave korupcije pri zapošljavanju u javnom sektoru na opštinskim nivoima te na afirmisanju odgovornosti, transparentnosti i integriteta opštinskih uprava u BiH.

Liderske organizacije ALDI/Goražde, CGS/Livno, Helsinski odbor za ljudska prava/Bijeljina i KAM/Zenica, će učestvovati u izradi akcionalih planova za borbu protiv korupcije u 10 novih općina i monitoringu primjene usvojenih antikorupcijskih planova i u 13 projektnih općina. ([Mapa](#)) →

DRUGI CIKLUS PROGRAM MALOG GRANTA



Djelovanje organizacija na lokalnom nivou - antikorupcijski planovi

CGS / Livno
HELSINŠKI ODBOR / Bijeljina
KAM / Zenica
ALDI / Goražde

MONITORING

IZRADA AKCIJONIH PLANOVA

ŽURNAL ISTRAŽUJE I OBJAVLJUJE

Stotinu penzija na ramenu Sebije Izetbegović!

Novinari Online magazina Žurnal nesmanjenim tempom nastavljaju da istražuju korupciju, kriminal i zloupotrebe javnih ovlasti i budžeta širom Bosne i Hercegovine. Žurnal je otkrio kako je [sarajevski ViK dodjeljivao unosne poslove porodičnoj firmi zastupnika SDA u Skupštini KS](#); kako je [bh. ambasador Nedim Makarević nudio pakistanskim biznismenima da za nekoliko hiljada eura registruju svoje poslove u BiH](#), što je rezultiralo [optužnicom za proneyjeru, pritisak i ucjene](#); kakva je [kadrovska politika Federalne policije](#); te zašto je [Mostar postao grad bez hleba i mlijeka](#).

U Žurnalu pročitajte zašto [uprava Autocesta FBiH ne poštuje odluku Nadzornog odbora o gradnji Koridora Vc](#); kako [Vlada KS prebjala dugove sa firmom Murai komerc](#); zašto su [obustavljene isplate sudskim vještačicama u RS](#); kako je [Rukometni savez BiH napravio dug težak tri miliona maraka](#), te [kolika je vrijednost torbi Sebije Izetbegović](#).

[Citajte Žurnal!](#)

TV ŽURNAL

“Arapsko proljeće u zlatnoj dolini” i na engleskom jeziku

Novi film TV Žurnala "Arapsko proljeće u Zlatnoj dolini" analizira fenomen ogromnog interesa investitora iz arapskih zemalja za izgradnju turističkih i stambenih naselja u BiH. Samo na području Ilidže i Visokog posluje više od 300 agencija za nekretnine čiji su vlasnici iz arapskih zemalja, a u pripremi je gradnja 80 naselja na širem području Sarajeva. Film "Arapsko proljeće u zlatnoj dolini" premijerno je prikazan 14.jula, a sada je dostupan i na engleskom jeziku – [ovdje](#). Film na BHS jeziku dostupan je – [ovdje](#).



PRIZMA

Udruženje građana "Građani djeluju odlučno - Prizma Brčko" je u mjesecu avgustu započelo istraživanje u oblasti javnih nabavki u kontekstu kvaliteta izvedenih radova od strane firmi, a po javnom pozivu odjeljenja Vlade i drugih institucija Brčko Distrikta BiH.

Cilj istraživanja je dati odgovore na pitanja:

1. Koje reference trebaju posjedovati izvođači naručenih radova?
 2. Ko i kako vrši nadzor izvedenih radova?
 3. Kakve su posljedice postojećih praksi u ovoj oblasti?
 4. Koliko poreske obveznike košta neodgovoran odnos vlasti spram štetnih pojava u ovoj oblasti?
 5. Koliki je stepen kriminala, korupcije i nepotizma u ovoj oblasti koja proizvodi milionske štete?
- Svrha istraživanje je dokazati plansko proizvodnje pomenutih šteta koje će biti dokumentovane slikama i službenim dokumentima.

NAJAVA!!!!

- Početak četvrtog ciklusa izrade planova integriteta u RS – septembar 2017
- Procjena rizika korupcije u zakonu o zaštiti prijavitelja korupcije u institucijama BiH i zakonu o slobodnom pristupu informacija
- Konferencija o uvođenju nastavnih časova o etici i antikorupciji u predškolsko, osnovno i srednje obrazovanje

